

Ceux qui croient que les Iesuites vont en ce bout du monde, pour faire trafic de peaux de bestes mortes, les tiennent fort temeraires, & depourueus de sens, de s'aller exposer à de si horribles dangers, pour vn bien si ravalé. Il me semble qu'ils ont vn cœur plus genereux, & que Dieu seul, & le salut des ames est capable de leur faire quitter leur patrie, & la douceur de la France, pour aller chercher des feux, & des tourmens au milieu de la Barbarie. Pour autant neantmoins que cét erreur de commerce se pourroit glisser dans l'esprit de ceux qui ne les cognoissent pas: on a iugé à propos d'apposer icy vne attestation authentique, qui fera voir combien ils sont éloignez de ces pensees: si ceux qui en parlent avec liberté pour ne les cognoistre pas, se trouuoient avec eux en ce nouveau monde, ils changeroient bien de langage, & se feroient compagnons de leurs souffrances, & de leur zele, ils se trouueroient vnis & liez, de mesmes affections, & ces chaisnes